

Dunia Barat Dan Komuniti Islam Perlu Tingkatkan Hubungan - Raja Dr Nazrin Bernama
18 Januari, 2012

KUALA LUMPUR, 18 Jan (Bernama) -- Raja Muda Perak, Raja Dr Nazrin Shah Rabu bertitah terdapat keperluan mendesak untuk memperbaiki hubungan antara Barat dan komuniti Islam.

Sambil menyifatkan situasi semasa adalah serius dan rapuh, beliau bertitah hubungan antara negara-negara Islam dan Barat memerlukan pembaikan yang mendesak.

"Sudah tiba masa untuk menggandakan serta berusaha lebih keras. Proses itu hampir penting dengan hasilnya. Alternatifnya untuk menenggelamkan usaha-usaha oleh pihak yang bertentangan," titahnya ketika berucap pada Persidangan Antarabangsa Pergerakan Kesederhanaan Global (ICGMM) di sini Rabu.

Titahnya dialog antara peradaban mempunyai peranan penting dalam memperbetulkan gambaran negatif dan persepsi antara Barat dan dunia Islam.

Bagi usaha yang lebih berkesan, titahnya, adalah penting supaya dialog seperti itu menangani isu-isu politik serta permasalahan dalam dimensi lain.

Titah baginda bahawa dialog yang bermakna adalah pertukaran pandangan, memperjelaskan isu-isu dan memperbetulkan tanggapan salah serta mencari persefahaman bersama.

"Dalam hubungan ini, dialog antara Barat dan dunia Islam khususnya berguna memandangkan kejahilan, gambaran yang salah dan salah persepsi serta prejudis yang sering wujud antara dua pihak.

"Salah faham ini tersebar luas di kedua-dua pihak dengan pengetahuan luas ini terdapat dalam zaman internet dan hubungkait," titahnya.

Raja Nazrin juga bertitah dialog antara peradaban boleh menyumbang kepada penggalakkan persefahaman dan kerjasama demi kepentingan bersama.

Baginda juga mencadangkan pergerakan kesederhanaan boleh menyokong nilai-nilai kesederhanaan dalam menangani perbezaan dan tindakan kesederhanaan dalam menyelesaikan konflik.

Pergerakan itu juga boleh membantu membina budaya keamanan yang lebih mantap dengan menggalakkan peningkatan komitmen ke arah membentuk nilai sejagat dalam soal saling menghormati, belas kasihan, menghargai kehidupan ke arah membentuk prinsip sejagat undang-undang antarabangsa, keadilan dan tanpa kekerasan kecuali mempertahankan diri, titahnya.

Sesi mengenai dialog antara peradaban berjudul "Satu Harapan Untuk Masa Depan" dikendalikan oleh pengerusi Bank Muamalat Malaysia Berhad, Tan Sri Dr Munir Majid.

---BERNAMA

Hakcipta © 2012 BERNAMA

Source: <http://www.bernama.com/bernama/v6/bm/newsindex.php?id=640993>